

# CORONICA 2020

## Presidi communal sco pal da la vargugna

Coronica – part 6


MARTIN CANTIENI

Ina detga schleppa ha survegnì Adrian Steiger a Flem. Il president communal d'enfin qua ha fatg 157 vuschs, il novelegi Martin Hug da las pendicularas 857 vuschs. 700 vuschs differenza a Flem n'è betg il medem sco 700 vuschs differenza en l'Arizona. Ina victoria fulminanta ed ina sconfitta dolurusa era a Claustra-Serneus: Cun 1 676 vuschs è vegnì elegi Hansueli Roth da la Partida burgais-democratica. Il president en uffizi Kurt Steck (senza partida) n'ha gnanc fatg in dieschavel da las vuschs da ses concurrent: Quai n'è betg mo ina schleppa, mabain ina bastunada.

Ed ina terza elecziun communal remartgabla da quest atun: En Val Müstair è vegnida elegida Gabriella Binkert. Il president en uffizi Rico Lamprecht ha stuì ir. Era quai n'è betg usit en Val Müstair.

En tuts trais cas è la participaziun a las elecziuns stada auta. Il trend è dentant cuntrari. En bleras vischnancas fusiunadas è la participaziun sa sbassada marcantamain. La sala da radunanza è emplenida circa uschia sco avant la fusiun, mo che la nova vischnanca è en sasez pli gronda.

Ipara dad esser auter sch'i va per nume e chaus. E l'gea, bain pussaivel ch'in u l'auter ha merità ses magher resultat. Ma tgi l'aveva atgnamain elegi en ses uffizi?



ILLUSTRAZIUN JON BISCHOFF

Tge è la «C(o)ronica da l'onn 2020»?

Jon Bischoff (illustraziun) e Martin Cantieni (text) commenteschan, resumeschan e parodieschan per la FMR 12 eveniments ch'ans han occupà durant l'onn 2020. Jon Bischoff da Vicosoprano illustrescha la fin da mintga mais per la FMR il «Mais da pais». Martin Cantieni da Turig ha tranter auter gudagnà quest onn la concorrenza litterara rumantscha «Premi Term Bel».